


www.BibleForChildren.org

Matäus 26



Pong wonu
pong mon pasa
lesus kotilang
Petanien, wasa
Lasarus me melar,
kauson ia, me lesus kotin
kamauredar sang ren
me melar akan. Maria ap
wado paun en men kei eu, udan
pil en narde, me kasampwalia,
keiedi ong ni aluwilu en lesus o
limwieki a pwilipepei aluwilu a; a im
o me dir kila po en men kei.




Iudas Iskariot, amen ekriamen oko, ap kolang ren
samero lapalap akan, pwen pang ong irail i. Irail lao
rong, re ap peren kida, ap inauki,
me re pan ki ong moni.



I ari song duen a pan mongai ong en pangala i, Ni
kaieu en ran en prot somut, ni ar kin kamela sippul en
pasa, sapwilim a tounpadak kan ap
potoan ong i: la wasa re
kotin men, sen potolang
kaonopada, pwe re
en kotin konot pasa?



Tounpadak kan ap wiadar duen
masan en Iesus, kaonopadar pasa.
Ni arail wiadar konot. Iesus kotin
limadar prot laolaoki, o pilitiki pasang,
kotiki ong toupadak kan masani: Ale
tungole, war ai metet. A pil kotikida
dal o laolaoki kotiki ong irail masani:
Komail karos nim sang; Pwe nt' ai
metet, udan inau kap, me
pan kapwilipwilidi
ong me toto,
men lapwada dip.




Kaun ap kotin masani: Simon, Simon, kilang, Satan
ngongkin komail, pwen koko komail dueta wan prot. A
ngai me kapakapa kin uk, pwe om poson de nikila. A
koe lao sapaledo kakelada ri om ol akan! A a potoan
ong i: Maing, i pan idauen ir lel nan imateng o matala.
A kotin masani: Petrus, I indai ong uk, nan malek sota
pan kakorot ran wet,
koe lao kamamki
pan silepak,
me koe asa ia.



lesus ap kotilang wasa o me
adaneki Ketsemane, a irail
iang i, ap kotin masani
ong tounpadak kan:
Komail mondi met, lao l
pan kola kapakap monen.
A ap kotin masani: Apa Sam
ai, meakaros me kak pa
omui! Kotikiwei sang ia dal
wet! Ari so, kaidik me l men,
a me komui men.



Iudas Iao aleer pokon o papa kan sang ren samero
lapalap o Parisär akan, ap kokiieila lamp, o ser akan,
o kapwa en pei kan. Amen ir pala ladun samero
lapalap amen o sara sang salong a pali maun.
Iesus ap kotin sapeng masani:
Arier! I ap kotin sair
salong a, kakelada i.



Re ap saikidi i o kalualong ong nan im en samero
lapalap o, a Petrus idauenla doowei sang. Irail ap
saunda kisiniai eu nan warong en kel o mod
pena, a Petrus mondi
nan pung arail.




Ladun samero lapalap
amen, me sauneki ol o,
me Petrus pale sang
salong a, ap indada:
Kaidin koe me i kilanger
re a nan matuel o? Petrus
ap pil kamamada. Malek
madang kakorotada, Petrus
ari koieila sangesang kaualap.




Toun pokon karos ap kasinenda kalualang i ren Pilatus. Pilatus ari idok re a masani: Nanmarki en Sus akan komui? A kotin sapeng i masani: Komui me inda. Pilatus ari men lapwada Iesus, ap pil masani ong irail. A irail likelikwir indada: Kalopuela, kalopuela i!




I ari pangalang irail i, pwen
lopuela. Rap koledi Iesus
kaluala. A pein i kotin wa a lopu,
kotilang wasa me adaneki
wasan pondal, a ni lokaia en
Ipru: Kolkata, . . .



. . . Wasa re kalopuela i iangaki riamen,
amen ni pali maun, a amen ni pali
maing, a Iesus nan pung ara.



O katipin rotorotala, o likau en pera en im en kaudok
o dei pasang sang poa lel pa. Iesus ap kotin kapitie
laudedada masani: Sam (ai), i mueidalang ngen i nan
lim omui kan. A lao kotin
masanier met,
ap kotin poular.



Iosep, men Arimatia amen, ap kodo,
me saunkapung isou amen,
me kin pil auiaui wein Kot,
me so masak koti dong
Pilatus, poeki
kalep en Iesus.

A ap netiada likau linen
mau, ap lapwadi i,
kidimeki pena likau o,
nekidedi i nan sousou
eu, me weiweida nan
paip, ap kadapuri ong
takai eu ni au en
sousou o.




A mandan ran o, ran en kaonop,
samero lapalap o Parisär
akan pokon pena ren
Pilatus. Indada: Maing,
kit tamandar, me ol
sued men et katitiki
ni a memaur: I pan
maureda murin
ran silu.



Irail ari koieila, kileledier takai o, o
kasilaki sousou o
saunpei kai.




Ran en sapat lao daulier, ni
mansang en at en wik, Maria
men Makdala, o Maria teio
ap kodon ududial
sousou o.




A kilang, sap rereda kaualap, pwe
tounlang en Kaun amen,
pwaradido sang nanlang o
katapur sang takai o, ap
kaipokedi ong poa,
Mom a dueta liol o a
likau puetepueteta
sno. Silepa ko ap
masapwekadar,

o re


likamata
mela.




A tounlang o kotin sapeng masani
ong li oko: Komail der masak
pwe i asa, me koma rapaki
lesus, me lopuelar. A soer
met, pwe a iasadar,
duen a kotin
masanier.




Kodo udial wasa, me Kaun
nekinekidi mas o, O tangwei
kaireki sapwilim a tounpadak
kan, me a kotin iasadar
sang ren me
melar akan.



Ira ari madang sang ni sousou o masak o peren kaulap, o tangwei kaireki ong sapwilim a tounpadak kan. A ni ara kola, kaireki sapwilim a tounpadak kan, kilang, Iesus ap tu ong ira masani: Ran mau! Ira ap kai ong poridi ni aluwilu a o pongi i.






Mur a pil kotin pwar ong ir ekamen oko ni ar momod tungotungol, ap kotin kapung ong irail ar soposon o kapitakai, pweki ar sota kamelele ir me kilang i murin a iasadar. Ari, Kaun o lao kotin masani ong irail mepukat, a ap peukadala nanlang o kotido ong pali maun en Kot.



Pwe iet duen Kot kotin kupura sappa,
me a kotikidoki sapwilim a leros,
pwe karos, me posonla i,
ender salongala, a en
aneki maur soutuk.



54



60



Men Rom 3:23

Pwe sota lipilipil, karos me wiadar dip o sota kak konodi
lingan en Kot.

Men Rom 6:23

Pwe pwain en dip mela, a pai en mak en Kot maur soutuk
ren Kristus Iesus atail Kaun.

Men Ipru 9:27

A duen a kileledier ong aramas akan, en mela pan mepak,
a muri kadeik o,



Men Epikus 2:8,9

Pwe ni poson komail kamaur kilar mak; a kaidin pweki pein komail, a pai eu ren Kot, Kaidin ki wiawia kan, pwe sota amen en aksuaiki.

Men Rom 10:9,10

Pwe ma koe pan kadedeki au om Iesus, me i me Kaun, ap poson nan mongiong om, me Kot kotin kaiasadar i sang ren me melar akan, koe ap pan dorokila. Pwe poson kin tapi sang nan mongiong o, pwen pung kila, o kadede kin tapi sang nan au o, pwen maur kila.



Ioanes 3:16,17

Pwe iet duen Kot kotin kupura sappa, me a kotikidoki sapwilim a leros, pwe karos, me posonla i, ender salongala, a en aneki maur soutuk. Pwe Kot me kotin porone dong sappa sapwilim a Ol, kaidin en kadeikada sappa, a pwe sappa en kamauri kila i.

1 Ioanes 5:11-13

A iet kadede o: Kot me kotiki ong kitail er maur soutuk; a i song en maur mi ren sapwilim a Ol. Me aneki Na, i me aneki maur, a me sota aneki Sapwilim en Kot, a pil sota aneki maur. Mepukat i inting wong komail er, pwe komail en asa, me maur soutuk mi re omail, a komail, me poson mar en Sapwilim en Kot.



Matäus 26-28; Lukas 22-24; Ioanes 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Pohnpeian NT (pon) Public Domain

<https://www.bible.com/en-GB/bible/3876/MAT.1.PONPD>

©2026 Bible for Children, Inc.

www.M1914.org

www.bibleforchildren.org

